

Волга Булгарияси томонидан Ислом қабул қилинганлигининг 1100 йиллиги қандай нишонланади?



18:30 / 13.12.2020 2028

Россия президенти Владимир Путин Татаристон ҳукумати ва раҳбариятига 1 февралга қадар Волга Булгарияси томонидан Ислом қабул қилинганлигининг 1100 йиллигини нишонлаш бўйича таклифлар киритишни буюрган. Бу ҳақда islam.ru нашрига таяниб, azon.uz сайти хабар берди.

Диний бирлашмалар вакиллари билан учрашувдан сўнг, тегишли кўрсатмалар рўйхати Кремл веб-сайтида эълон қилинган.

«Россия Федерацияси ҳукумати Татаристон Республикаси Вазирлар Маҳкамаси билан биргаликда манфаатдор диний ташкилотлар иштирокида Волга Булгарияси томонидан Ислом дини қабул қилинганлигининг 1100 йиллигини нишонлаш бўйича таклифлар киритади», дейилади хабарда.

Буйруқнинг бажарилиш муддати - 2021 йил 1 февраль. Россия Бош вазири Михаил Мишустин ва Татаристон Республикаси Президенти Рустам Минниханов буйруқ ижросига масъул этиб тайинланган.